

سهلکی در سعادت ایچون مجیدیه
بکرمی غروش حسابیه النش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

فهرست مطالب

آبونه اولقی ایستیلر دایره عدلیه ده
اداره مخصوصه سنه مراجعت
ایملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمع ایرتسی و چهارشنبه کونلری نشر اولنور. محتویاتی امور عدلیه متعلقدر

تَبْلِیغَات

انجمن عدلیه دن تنظیم واعطا قلنان مذکره در:

بغداد ولایتی محکمه استینافیه سی مدعی عمومیلکندن
وارد اولوب انجمن عدلیه حواله قلنان ۱۰ تموز
سنه ۳۲۲ نارنجلی شقه مطالعه اولندی.

مالی اسماعیل الجوهري نام کسسه نك محکوم به
دیندن طولانی مشری زاده محمد بکه عائد نخلستانده کی
حق تعبه نك حجز و فروختی جائز اولوب اولدیغ نك
استفسارندن عبارتدر.

صورت اشعاردن مفهوم اولدینی اوزره ذکر
اولنان نخلستانک اساساً مومی الیه محمد بکک عهده
تصرفنده اوله رق مدیون سر قومک رقبه سنده برکونه
حصه وعلاقه سی اولیوب یالکیز تعامل بلده وجهله
حاصلات واقعه نك مقدار معلومی کندوسنه عائد
اولاق ومقابلنده مذکور نخلستانی اعمار ومجرا سی
تطهیر ایتک اوزره حق تعبه تعبیر اولنور بر منفعت
مالک اولسنه نظراً بوباده اموال غیر منقوله نك حجز
وفروختی مبین اولان نظامنامه احکامی مابه التطبيق
اوله میوب شو قدرکه حاصلات مذکورده دن مدیونه
عائد حصه معلومه نك اجرا قانونک الی اوچنجی
ماده سنک دردنجی فقره سی منطوقجه حجزه قابلتی
حالنده بوکی اموال منقوله نك کیفیت فروخته
متداثر اولان قانون مزبور احکامی دائره سنده
بالمزایده صائیله رق اتمانندن دین محکوم هک استیفاسی
مجار اولدیغندن اکا کوره ایضای مقتضای خصوصنک
جواباً مذکور مدعی عمومیلکه تبلیغی تذکر قلندی.

محاکمات مقدماتی

قالقاندان قضای بدایت محکمه سی جزا دائره سی
رئیس سابق خیرالدین ومحکمه مزبور مدعی عمومی
معاون سابق حامد افندیلرک اوراق انفصالیه ومدا

فقه نامه لری انجمن انتخاب مأمورین عدلیه ده
لدی التدقیق جواز استخدا ملرینه قرار ویرلمشدر.

شیخ افندی زاده عاکف افندی نك خانه سی
دیوارندن آشهرق اشیای سی سرقت ایلدکری ادا
اولمسندن طولانی جنایتله اتهام اولنان مصطفی بن
بن خلیل ورفیق محمد وزکریانک اوچر سنه مدتلرله
کورکه قونلرینه دائر حلب ولایتی استیناف محکمه سی
جزا دائره سندن اعطا قلنان ۴۰۱ نومرولی اعلام

شهبازیه مقطعه سی سکنه سندن محمد بن سید جابر
وعمرزاده سی سید دمش بن سید طایحه وسید محمد بن
سید جباریه قتل ورفقاسی جرح ایدن فراری
قانلره معاونت ایلدکری ادا اولمسنندن دولای
جنایتله اتهام اولنان عجیل وشراد الرحه وصافی
وجاسمک اوزر سنه مدتلرله کورکه قونلرینه دائر
بصره ولایتی استیناف محکمه سی جزا دائره سندن
اعطا قلنان ۳۸۰ نومرولی اعلام

حسینک حفیده سی الماس بنت طاشداندک
کیفیت قتلندن طولانی جنایتله اتهام اولنان پاسیدلی
صبری بن حسینک اون بش سنه مدته کورکه
قونلرینه دائر بایزید سنجایی بدایت محکمه سی جزا
دایره سندن اعطا قلنان ۸۳ نومرولی اعلام

رمضان بن حسنی قتل ایلدیکی ادا اولمسنندن
دولای جنایتله اتهام اولنان خیراء بن طاهرک اون
بش سنه مدته کورکه قونلرینه دائر پرشته سنجایی
بدایت محکمه سی جزا دائره سندن اعطا قلنان ۵۵۲
نومرولی اعلام

حسن اوغلی خلیلک مسلحاً ارکنه چیقهرق
نقودنی غصب ایلدیکی ادا اولمسنندن دولای جنایتله
اتهام اولنان آق فقی اوغلی حسینک اوچر سنه مدته
کورکه قونلرینه دائر قوزان سنجایی بدایت محکمه سی
جزا دائره سندن اعطا قلنان ۶ نومرولی اعلام

یورکی ولد قسطنطنیک ماده قتلندن دولای
جنایتله اتهام اولنان حاجی صالحک اون بش سنه مدته
کورکه قونلرینه دائر ایلبان سنجایی بدایت محکمه سی

جزا دائره سندن اعطا قلنان ۱۱۸ نومرولی اعلام
احمد بن حسن ورفقاسنک اثنای راهده اوکلرینه
چیقهرق حیواناتی غصب ایلدکری ادا اولمسنندن
دولای جنایتله اتهام اولنان عباس بن خلیل وعرب
بن عساف الحمدک اوچر سنه مدتلرله کورکه
قونلرینه دائر حاب ولایتی استیناف محکمه سی جزا
دایره سندن اعطا قلنان ۵۸۷ نومرولی اعلام

یوسف اوغلی کریمک ماده قتلندن دولای
جنایتله اتهام اولنان محمد بن علینک اون بش سنه
مدته کورکه قونلرینه دائر آیدین سنجایی بدایت
محکمه سی جزا دائره سندن اعطا قلنان ۴۴ نومرولی
اعلام

دیتمری نیقوله شیسقونک صباخانه سی احراقه
تصدی ایلدیکی ادا اولمسنندن دولای جنایتله اتهام
اولنان قصاب ناشو ولد کورکینک اوچر سنه مدته
کورکه قونلرینه دائر سیروز سنجایی بدایت محکمه سی
جزا دائره سندن اعطا قلنان ۷۵۱ نومرولی اعلام

نوره قوبلی مقصود بن اسماعیلی قتل قصیدیه
جرح ایلدیکی ادا اولمسنندن دولای جنایتله اتهام
اولنان راغب بن اسماعیلک اوچر سنه مدته کورکه
قونلرینه دائر سیروز سنجایی بدایت محکمه سی جزا
دایره سندن اعطا قلنان ۴۶ نومرولی اعلام

علی بک اوغلی قریه لی اسمعبدک کیفیت قتلندن
دولای جنایتله اتهام اولنان حسینیه خاتونک اون بش
سنه مدته کورکه قونلرینه دائر قسطنطونی ولایتی
استیناف محکمه سی جزا دائره سندن اعطا قلنان ۲۱۸
نومرولی اعلام

صولاق زاده حمدی افندی نك مخدومی راشدی
جرح الیه عضوینک تعطیلنه سببیت ویردیکی ادا
اولمسنندن دولای جنایتله اتهام اولنان فیه جم اوغلی
یوسفک اوچر سنه مدته کورکه قونلرینه دائر کنگری
سنجایی بدایت محکمه سی جزا دائره سندن اعطا قلنان
۸۵۰ نومرولی اعلام محکمه تمیز جزا دائره سنجیه تصدیق
قلنمشدر.

اسباسيه نك امواله ايراث خسار ايليان اورامدن
اون بش بشلك جزای نقدی آلتسنة
موسيو بولك زوجه سنك پاره چانطه سنی اخذ و سرقت
ايدن شريف و جميل و پاولينك اوچر آي حبس لرینه
درسعادت ، بك اوغلی و اسكدار بدایت محكمه لری
جزا دائرة لرینجه قرار ویرلمشدر .

اعلانات

درسعادت جنایت محكمه سنه :

اوچوز يكرمی برسنه سی كانون اولنك اوچنجی
كونی اقسامی قرتالده كان موسيو لويچنك خانه سنه
آلت مخصوصه استعماليله بالذخول اشيا سرقت
ايتديكي ادعاسيله متهم اولوب حال فرارده بولنان
اوزون بوبلی ایری وجودلی سیاه صاچ وقاش و بیق
وعادتا اغز و برونی طوپچه یوزلی اسمربکزیلی اوتوز
ياشنده خروات یوان الله ایديله مامش اولدیغندن
تاریخدن اعتباراً جانب ریاستدن کندوسنه مجدداً اون
کون مهل اعطا قلنمشدر مهل مین ظرفنده مرقوم
محكمه یه کلدیکی حالده قانونه اطاعت ایتماش نظریله
باقیله رق حقوق مدنی دن اسقاط قلنه جنی وعلیه نه
دعوايه قیام اولنه جنی و عاكمة غیابییه سی ائشاده
اموالنك حیز آلتنه الله جنی و بوسره ده برکونه ادعایه
حق اوله میه جنی و مرقومك بولندینی محلی بیلنلرك
خبر ویرمکه و بالجمله ضابطه عدلیه مامورلرینك
کندوسنی طومغه مجبور بولندقلری کبی معاملات
حجزیه حقنده دخی مدعی عمومیاکه تبلیغات مقتضیه
اجرا ایدلیدی جهتله اصول محاکمات جزائییه قانوننك
اوچوز یتش برنجی و اوچوز یتش ایکنجی ماده لرندن
استنباط اولنان احکامه توفیقاً اشبو قرارنامه بالتظلم
اعلان اولنور .

قلعه سلطانیه سناغی بدایت محكمه سی جزا دائرة سنه :

بیك اوچوز يكرمی سنه سی تشرین اولنك اون
اوچنجی کیجه سی سیغورطلی خانه سیله طقوز باب
خانه نك محرق اولسنه سیدیت ویردیکی ادعاسيله
مظنون علیه اولوب درسعادت هیئت اتهامیه سندن
جنایتله اتهامه قرار ویریلان قلعه سلطانیه اها لیسندن
وتبعه دولت علیه دن اورته بوبلی ، دوز الینلی ، الا
کوزلی ، بیوکجه اغز و برونی ، طوبازلاق چهره لی ،
لیسقه صاچ و قاشلی ، اسمر چهره لی قرق یا شنده
بربر حامپیک فرار ایدرك الآن اله کچوريله مامش
اولدیغندن ناشی اصول محاکمات جزائییه قانوننك
اوچوز یتش برنجی ماده سی موجبجه قانونه اطاعتله

محكمه یه کلمی ایچون جانب ریاستدن مجدداً اون کون
مهل ویرلمش اولدیغندن مدت مذکوره ظرفنده
انبات وجود ایتدیکی حالده غیاباً محاکمه سی بالاجرا
حقوق مدنی دن اسقاط و اموالی حیز ایديله جکی و بوبابده
مرقومك برکونه دعوی اقامه سنه حق اوله میه جنی
کبی بولندینی محلی بیلنلر خبر ویرمکه و بالجمله ضابطه
عدلیه مامورلرینك مرقومی در دست ایتکه مجبور
بولندقلری اعلان اولنور .

بیغا قضا سنك جامع کیر محله سی اها لیسندن دباغ
ابراهیمك دکانی کلدینی کیجه لین آلت مخصوصه
استعماليله شکست ایدرك معلوم المقدار سختیانلری
اخذ و سرقت ایتدکری ادعایله مظنون بولنانلردن
اولوب درسعادت هیئت اتهامیه سندن جنایتله اتهامه
قرار ویریلان و اوصاف و اشکالی غیر مضبوط بولنان
کونان قضا سنك طوزاچقی قریه سندن محمودك وقعه یی
متعاقب فرار ایدرك الآن اله کچوريله مامش اولدیغندن
ناشی اصول محاکمات جزائییه قانوننك اوچوز یتش
برنجی ماده سی موجبجه قانونه اطاعتله محكمه یه کلمی
ایچون جانب ریاستدن مجدداً اون کون مهل ویرلمش
اولدیغندن مدت مذکوره ظرفنده انبات وجود
ایتدیکی حالده غیاباً محاکمه سی بالاجرا حقوق مدنی دن
اسقاط و اموالی حیز ایديله جکی و بوبابده مرقومك برکونه
دعوی اقامه سنه حق اوله میه جنی کبی بولندینی محلی
بیلنلر خبر ویرمکه و بالجمله ضابطه عدلیه مامورلرینك
مرقومی در دست ایتکه مجبور بولندقلری اعلان
اولنور .

تجارت بحریه محكمه سنه :

چارشوی کیرده قیو مجبیلر جاده سنده كان دکانلرنده
ساکن ایکن تجارت بحریه محكمه سندن افلاسنه حکم
اولنش اولان تحفجی قره بت ترزیان ذمتسنده اله جنی
انبات و یا موقتاً قبول وقید ایتدیرمش اولان
اله جقلولرك قانوننامه تجارتك ۲۱۱ نجی و آنی ولی ایدن
ماده سی موجبجه مقاس طرفندن تکلیف اولنه جنق
قوتقورداتونك مذا کره سی ایچون اشبو تشرین اولك
اون سکزننجی چهارشنبه کونی محكمه مذکوره نك
مصالح افلاسیه رؤیتنه مخصوص اوطه سنه کللری
اعلان اولنور .

محكمه تجارت اصرا دائرة سنه :

حیاط طورك شریف اغا ذمتسنده ایکنجی محكمه
تجارت اعلاميله محکوم به الاجنی اولان اچقهنك تأمین
استیفاسیچون مدیون مرقومك سلطان احمدده نخلند

محله سنده چانلادی قیو جاده سنده اون سکزن نومرو
ایله مرقم علی النخمین یوز يكرمی بش ذراع عقب
عرصه اوزرینه کارکیر اوله رق مبنی اولوب فوقنده
ایکی اوطه و برصفه یی مشتمل و سنوی بیك ایکیوز
غروش ایجاره متحمل بر باب کورجی مغازه سنده
پدری متوفی علی افندیدن منتقلاً متصرف اولمی
لازم کلان ربع حصه سی بوندن اقدم موقع مزایدیه
قونیه رق عثمانلی لیراسی یوز غروش حسابيله بیك
بشیوز غروشنده طابای عهده سنده قالمش و تاریخ
اعلاندن اعتباراً اوتوز برکون صکره یعنی تشرین ثانی
رومینك اون طقوزنجی بازار کونی ساعت اونه قدر
یوزده بش ضم قبول اولنمی و ذکر اولنان یوم
و ساعتده صوک مزایدیه سی بالاجرا قرار قطعی سی
ویریلرك طابای عهده سنه کچورلمی مقرر بولنش
اولدیغندن و اندن صکره هر نه ضم وقوع بولور ایسه
قبول اولنمی جفندن مذکور حصه یه یوزده بش ضمیمه
طالب اولانلرك ودها زیاده معلومات المی ایستینلرك
مدت مذکوره ظرفنده بدل مزایدیه نك عشرینه
مساوی بی اچقسه یله برابر محكمه تجارت اجرا دأره سنه
مراجعت ایللری و یوم و وقت مزبورده مذکور مغازه
پیشکاهنده ماموری مواجهه سنده حاضر بولنلری
دائرة مذکوره دن اعلان اولنور .

بك اوغلی بدایت محكمه سی اصرا دائرة سنه :

اوخانس فرنکیان افندی نك زینتی و کریمه سی
خدیجه خاملر ذمتلرنده بقیه مطلوبی بولنان مبالغ
معلومه نك تأمین استیفاسی ضمتسنده موسی الیه مانك
عهده تصرفلرنده اولوب داین موسی الیه نامنه فراغ
بالوفا ایله مقید و فروختی حکم اعلامه مستند بولنان
ایاس پاشاده ایه زقاغنده اون ایکی و مکرر اون ایکی
نومر و لرله مرقم اولان و افرازی اجرا قلنان ایکی باب
خانه دن یالکزر جدید طقسان بش آرشون اون یدی
برمق مقدارندن عبارت عرصه ایچنده ایکی قاتدن
عبارت صغیر و کیر بش اوطه وصفه و ابدستخانه یی
و مطبخ و طولومبلی قیوی مشتمل اولان قاسم پاشاده
سروری مسجد شریفنده واقع مرحوم اسماعیل اغا
وقفندن توسیع انتقالو کوجك اخشاب خانه تاریخ
اعلاندن اعتباراً اون بش کون صکره بالمزایده فروخت
اولنه جفندن طاب اولوب دها زیاده معلومات المی
ایستینلرك بك اوغلی بدایت محكمه سی اجرا دأره سنه
مراجعت ایللری اعلان اولنور .